




## 视后当道

## 题材创新有睇头

新一年，TVB 新片单中剧集，题材创意十足。人见人爱嘅小动物，今铺识玩转读心术？传统中医题材，新时代点吸引观众？至死不渝嘅爱情故事，中西式各有经典，若果中西式结合，能否扭转局面？呢啲新剧中，有“视后”级人马担大旗、人气新丁加盟，相信会带俾大家唔少惊喜。

郭玮/文 官方剧照、海报/图



### 传统中医玩新野

医疗剧一直係 TVB 非常擅长嘅题材，但中医剧嘛 TVB 竟然已经“断更”咗廿年之久！《你好，我的大夫》用中医做主线，好有话题性嘅“视后”蔡思贝，搭档人气靚仔何广沛，首次合作嘅两人提前熟习中医知识，都表示大开眼界。剧情讲述中医新丁再遇前女友，当初因理念不合导致分手嘅两人，如今係会继续有拗，定係成长后逐渐磨合？值得一提嘅係，该剧係由曾经打造《降魔》系列、《爱上我的衰神》等神剧嘅“嘟嘟”方骏钊监制，以佢出品一贯嘅好口碑，同选角嘅观众喜爱度嚟睇，呢部剧一定唔会令大家失望。



### 中西双拼奔趣爱

东方有梁山伯与祝英台化蝶双飞，西方有罗密欧与朱丽叶为爱殉情，两个经典故事讲嘅都係至死不渝嘅爱情。新剧《罗密欧与祝英台》把几位主人公拉到同一个时空中，当罗、祝两家成为世仇，原本凄美嘅剧本，嘅呢一世能否迎来圆满结局？两边嘅主角为爱究竟可以去到几尽？久违电视框嘅陈茵媺，今次搭档真·丈夫陈豪，首次饰演荧幕夫妇，看点够吸引。Aimee 虽然未获封“后”，但演技一直被赞，今次佢为角色 set 咗个铲青发型，中性 look 都真係大突破，“视帝”老公陈豪更公开大赞太太为复出而努力添。



### 人宠结缘闹情关

《宠爱 pet pet》用咗大人细路都中意嘅宠物做题材，贯穿全剧嘅汪星人机灵又得意。两位人类主角，一个係相信科学又循规蹈矩嘅兽医，一个係精通动物语言嘅“读心专家”，原本势不两立嘅两人，却在一只可爱狗狗嘅助攻下，实现缘分“一线牵”。而呢只小机灵鬼仲会帮助男主闹情关、破难题添。出演女主角嘅林夏薇，凭《七公主》荣获“最佳女主角”称号后，再次担纲电视剧女主角，搭档人气新仔周嘉洛，玩转宠物情缘。都话动物同小朋友一样好难控制，究竟“视后”薇薇，同因为《痞子殿下》而人气急升嘅嘉洛，可否可以顺利将呢班“化骨龙”hold 住咧？

## 硬汉来袭 劲爆开启 2023

踏入 2023 年，多部硬核大片蓄势待发，准备好同大家见面嘅有：吴京联手刘德华，继续带住地球去流浪；“宇宙最强”甄子丹再拍打戏，今次变身“最强大侠”乔峰；黄子华发挥栋笃笑功力，化身大状挑战权贵……各式“硬汉”已经准备就绪，睇睇边款最合你心意。

郭玮/文 官方剧照、海报/图



### “男神”集结救地球

延续《流浪地球》嘅高口碑，筹备 3 年之久嘅《流浪地球 2》终于面世！作为第一部嘅前传，但以提出计划将建造 1 万座行星发动机的时代为背景，讲述了“太阳危机”即将来袭，人类决定开启“流浪地球”计划——带着地球离开太阳系、寻找新家园的故事。对比前作，第二部会更偏向“纪实”，在科幻片嘅基调上，渗透更多同现实相关嘅元素。吴京继续展现“硬汉”本色，带大家勇闯难关，为后代嘅幸福生活而拼尽全力。据闻，呢部电影中有好多道具都係用 3D 打印技术制作，而呢一次亦係老戏骨李雪健老师入行 42 年以来，第一次拍摄科幻题材嘅作品。备受关注嘅刘德华，受邀特别出演呢部电影，佢坦言参与拍摄时，有 80 年代刚入行时的感觉，因为一切都好有新鲜感。



### 大侠“乔峰”成长记

出自金庸嘅巅峰之作《天龙八部》嘅乔峰，係金庸最喜欢嘅角色之一，因为佢最有正义感，又有强悍的意志力。身为丐帮帮主嘅乔峰，在刀光剑影的武林中逐渐蜕变成有担当嘅勇士。甄子丹自导自演《天龙八部之乔峰传》，想带中国武侠经典走向世界，但曾在接受采访时候讲过：我喜欢电影呢种表达方式，可以把自己的感受与看法融入到作品中，创作出能够引起大家共鸣与喜爱的角色。此前好少有影视作品，将金庸小说中的单个英雄人物单独拎出嚟作为主题，甄子丹想借呢部电影，表现乔峰在逆境中无惧无畏嘅精神，以及佢豪情和悲怆，弘扬中国嘅武侠精神。



### “毒舌大状”斗权贵

去年中秋上线嘅《还是觉得你最好》，黄子华组建咗一个吵吵闹闹又不乏温情嘅家庭，每一餐“饭戏”都有嬉笑怒骂，让观众百感交集。新一年，黄子华继续发力，将自己嘅“毒舌”功力带入《毒舌大状》中。嘅电影发布预告片可见，饰演大状嘅黄子华，被卷入一桩国际名模涉嫌虐待女儿的冤案，引起法律界、权贵与名媛之间的角力。究竟边个会係最后嘅赢家？真系要拭目以待了。主演阵容亦相当有睇头，包括资深演员谢君豪、出演《梅艳芳》女主而获香港电影金像奖“最佳新演员奖”嘅王丹妮，仲有去年获香港电影金像奖“最佳女配角奖”嘅廖子妤等。

